

Y Ffordd y mae'r Cyd-bwyllgor Corfforedig, a elwir yn Uchelgais Gogledd Cymru yn bwriadu cydymffurfio â Safonau'r Gymraeg – Chwefror 2025

Paratowyd yn unol â gofynion Mesur y Gymraeg (Cymru) 2011

Mae'r ddogfen hon yn nodi sut mae Uchelgais Gogledd Cymru yn bwriadu cydymffurfio â'r Safonau Cyflenwi Gwasanaethau, y Safonau Llunio Polisi, y Safonau Gweithredu a'r Safonau Cadw Cofnodion.

Bydd ein Swyddog y Gymraeg yn gyfrifol am oruchwylio'r modd yr ydym yn cydymffurfio â Safonau'r Gymraeg y mae dyletswydd arnom i gydymffurfio â hwy, byddant yn hybu'r gwasanaethau a gynigir gennym ac yn hwyluso defnyddio'r gwasanaethau hynny.

Safonau Cyflenwi Gwasanaethau

- Rydym wedi darparu gohebiaeth i staff am ymateb i ohebiaeth, trefnu cyfarfodydd, ateb y ffôn, cyfryngau cymdeithasol, recriwtio, negeseuon e-bost, arwyddion a chyfathrebu mewnol.
- Rydym wedi sicrhau bod staff yn cynnig trosglwyddo galwad i siaradwr Cymraeg wrth gysylltu ag Uchelgais Gogledd Cymru (os nad ydynt yn siaradwyr Cymraeg eu hunain).
- Rydym wedi darparu geiriad i staff i'w gynnwys mewn templedi llythyr, gan gynnig cyfle i drigolion ofyn am ohebiaeth yn Gymraeg yn y dyfodol.
- Rydym wedi hysbysu staff sy'n trefnu cyfarfodydd cyhoeddus y dylai pob gwahoddiad i'r cyfarfod fod yn ddwyieithog, y dylid trefnu cyfieithwyr ar y pryd ar gyfer cyfarfodydd cyhoeddus ac y dylai trefnwyr cyfarfodydd cyhoeddus atgoffa pobl ar ddechrau cyfarfodydd y gallant gyfrannu yn Gymraeg.
- Bydd yr holl ddogfennau a gynhyrchir ar gyfer y cyhoedd yn ddwyieithog, gan gynnwys deunydd hyrwyddo a dogfennau ar gyfer arddangosfeydd.
- Mae rhyngwyneb, dewislenni a thestun bob tudalen ar ein gwefan yn ddwyieithog.
- Mae'r holl arwyddion yn cael eu gwirio ar gyfer cydymffurfio â'r Safonau.
- Mae arwyddion wedi cael eu gosod mewn prif dderbynfeydd i ddatgan bod croeso i bobl gyfathrebu drwy gyfrwng y Gymraeg.
- Mae pob hysbysiad a hysbyseb cyhoeddus yn ddwyieithog.
- Bydd pob ffurflen grant a dderbynnir yn Gymraeg yn cael ymateb yn Gymraeg a bydd unrhyw gyfweiliadau sydd eu hangen yn cael eu cynnal drwy gyfrwng y Gymraeg.
- Bydd unrhyw gwrs addysg a gynigiwn i'r cyhoedd yn cael ei gynnig yn y Gymraeg.

Safonau Lluinio Polisi

- Byddwn yn hysbysu rheolwyr i ystyried effeithiau unrhyw bolisi newydd (neu ddiwygiadau i'r polisi) ar gyfleoedd i bobl ddefnyddio'r iaith Gymraeg a sicrhau nad yw'r iaith Gymraeg yn cael ei thrin yn llai ffafriol na'r Saesneg.
- Pan fydd polisi newydd yn cael ei lunio, byddwn yn sicrhau bod yr holl reolwyr yn gwybod am yr angen i ystyried effeithiau penderfyniadau polisi ar yr iaith Gymraeg.
- Os caiff ymchwil ei gomisiynu a fwriedir i gynorthwyo gyda llunio polisiâu, byddwn yn sicrhau bod yr ymchwil yn ystyried sut y gellir gwneud y penderfyniad polisi er mwyn sicrhau nad yw'n cael effaith negyddol ar yr iaith Gymraeg.
- Byddwn yn rhoi gwybod i reolwyr er mwyn sicrhau bod unrhyw ymgynghori ar bolisiâu yn cynnig cyfle i bobl wneud sylwadau ar effeithiau unrhyw bolisiâu newydd ar y defnydd o'r iaith Gymraeg.
- Byddwn yn cyhoeddi polisi ar ddyfarnu grantiau.

Safonau Gweithredu

Sut mae Uchelgais Gogledd Cymru yn mynd i gydymffurfio â safonau gweithredu y mae'n ddyletswydd arnom i gydymffurfio â nhw:

- Rydym wedi cynhyrchu polisi ar ddefnyddio'r Gymraeg yn fewnol er mwyn hyrwyddo a hwyluso'r defnydd o'r iaith ac mae'r ddogfen hon wedi cael ei chyhoeddi ar ein mewnwyd.
- Rydym wedi cyflwyno proses AD lle gofynnir i'r holl staff a ydynt yn dymuno cael eu contract cyflogaeth yn Gymraeg.
- Rydym wedi gofyn i bob aelod o staff a ydynt yn dymuno cael gohebiaeth ar bapur yn ymwneud â'u cyflogaeth ac sydd wedi'i gyfeirio atynt yn bersonol (yn Gymraeg).
- Rydym wedi gofyn i bob aelod o staff a ydynt yn dymuno derbyn gohebiaeth ar bapur yn ymwneud â'u hanghenion neu ofynion hyfforddiant yn y Gymraeg.
- Rydym wedi gofyn i bob aelod o staff a ydynt yn dymuno cael dogfennau sy'n amlinellu eu hamcanion perfformiad yn Gymraeg a byddwn yn darparu dogfennau yn Gymraeg os mai dyna yw eu dymuniad.
- Rydym wedi gofyn i bob aelod o staff a ydynt yn dymuno cael dogfennau sy'n amlinellu eu cynllun gyrfa yn Gymraeg a byddwn yn darparu dogfennau yn Gymraeg os mai dyna yw eu dymuniad.
- Rydym wedi gofyn i bob aelod o staff a ydynt yn dymuno derbyn ffurflenni sy'n cofnodi ac yn awdurdodi gwyliau blyneddol, absenoldeb o'r gwaith ac oriau gwaith hyblyg yn y Gymraeg.
- Mae ein polisiâu i gyd ar gael yn Gymraeg a Saesneg.
- Mae'r staff yn gallu gwneud cwynion yn Gymraeg drwy ein trefn gwyno ac mae staff yn gwybod am hyn.
- Mae Gweithdrefn Gwyno Uchelgais Gogledd Cymru yn nodi y gall staff wneud cwyn yn y Gymraeg ac mae ganddynt hawl i ymateb i gwyn a wnaed amdanynt yn Gymraeg. Mae'r staff wedi cael gwybod am yr hawl honno.

- Bydd y staff yn cael cynnig cyfle i gynnal unrhyw gyfarfodydd ynglŷn â chwynion a wneir yn eu herbyn yn y Gymraeg (a bydd unrhyw gyfarfod dilynol yn Gymraeg).
- Bydd unrhyw gofnod o benderfyniad sy'n ymwneud â chwyn yn erbyn aelod o staff yn cael ei gyhoeddi yn Gymraeg (a bydd unrhyw gyfarfod dilynol yn cael ei gynnal yn Gymraeg).
- Mae ein polisïau Adnoddau Dynol yn datgan y gall staff ymateb yn Gymraeg i unrhyw honiadau a wneir yn eu herbyn.
- Mae meddalwedd cyfrifiadurol ar gyfer gwirio sillafu a gramadeg wedi cael ei darparu i bob aelod o staff sy'n siarad neu'n dysgu Cymraeg a darperir rhyngwynebau Cymraeg ar gyfer meddalwedd (megis Microsoft Word) pan fo staff yn dymuno cael hynny.
- Mae testun ein hafan dudalen ar y fewnwyd ar gael yn Gymraeg.
- Mae pob tudalen ar y fewnwyd ar gael yn Gymraeg.
- Mae'r rhyngwyneb a dewislenni ar y fewnwyd yn Gymraeg.
- Mae Uchelgais Gogledd Cymru wedi cynnal asesiad o sgiliau iaith Gymraeg gweithwyr trwy hunanasesiad.
- Mae Uchelgais Gogledd Cymru yn hyrwyddo cyfleoedd yn ystod oriau gwaith i weithwyr gael cyrsiau Cymraeg sylfaenol.
- Mae Uchelgais Gogledd Cymru yn darparu cyfleoedd i staff sydd eisiau gwella eu hyfforddiant Cymraeg sylfaenol drwy gynnig hyfforddiant pellach.
- Mae Uchelgais Gogledd Cymru wedi datblygu modiwl e-ddysgu, er mwyn codi ymwybyddiaeth staff o'r iaith Gymraeg.
- Darperir gwybodaeth i godi ymwybyddiaeth o'r iaith Gymraeg i bob aelod o staff newydd.
- Rydym wedi darparu geiriad i staff ddefnyddio ar eu llofnod e-bost, i hysbysu pobl a ydynt yn siaradwyr Cymraeg rhugl neu'n ddysgwyr.

Safonau Cadw Cofnodion

- Byddwn yn cadw cofnod o nifer y cwynion a dderbyniwn mewn perthynas â chydymffurfio â'r Safonau a byddwn yn adrodd yn ôl i Gomisiynydd y Gymraeg yn flynyddol.
- Byddwn yn cadw copi o'r cwynion ysgrifenedig a gawn.
- Byddwn yn cadw cofnod o nifer y gweithwyr sydd â sgiliau iaith Gymraeg.
- Byddwn yn cynnal archwiliad blynyddol o nifer y swyddi lle mae sgiliau iaith Gymraeg yn hanfodol, angen dysgu Cymraeg pan gânt eu penodi i'r swydd, lle mae cyfathrebu yn Gymraeg yn ddymunol a lle nad yw sgiliau Cymraeg yn angenrheidiol.
- Byddwn yn cadw cofnod o (a) nifer yr aelodau o staff wnaeth fynychu cyrsiau hyfforddiant yn Gymraeg (yn unol â safon 128) a (b) os oedd fersiwn Gymraeg o'r cwrs yn cael ei gynnig yn unol â safon 128, canran y nifer o staff wnaeth fynychu'r cwrs hwnnw.

Gweithdrefn Gwyno

- Mae dolen ar dudalen Safonau'r Gymraeg, gwefan Uchelgais Gogledd Cymru, yn rhoi gwybod i aelodau'r cyhoedd sut gallant wneud cwyn ynghylch cydymffurfiaeth gyda'r Safonau neu fethiant i dderbyn gwasanaethau cyfrwng Cymraeg.
- Bydd defnyddwyr gwasanaethau yn medru cyflwyno eu pryderon yn Gymraeg neu'n Saesneg yn unol â'u dewis iaith.
- Gellir cyflwyno Cwynion ynghylch lefel neu safon darpariaeth gwasanaethau Uchelgais Gogledd Cymru a ddarperir trwy gyfrwng y Gymraeg, neu o ran gweithredu a chydymffurfio â Safonau'r Gymraeg.
- Os bydd yr achwynydd yn anfodlon â'r ymateb gan Uchelgais Gogledd Cymru, bydd Uchelgais Gogledd Cymru yn ei hysbysu y gall ofyn am gyngor pellach gan Gomisiynydd y Gymraeg.
- Bydd Uchelgais Gogledd Cymru yn cofnodi ac yn monitro pob cwyn a ddaw i law.
- Fel rhan o Weithdrefn Cwynion Uchelgais Gogledd Cymru, caiff Swyddog y Gymraeg wybod am bob cwyn sy'n ymwneud â'r iaith Gymraeg er mwyn cynghori swyddogion ac ystyried camau gweithredu pellach.
- Fel rhan o raglen hyfforddiant cwynion Uchelgais Gogledd Cymru, rhoddir gwybod i swyddogion am y drefn o ran delio gyda chwynion mewn perthynas â'r iaith Gymraeg.